

VENDIM
Nr.693, datë 10.11.2005

PËR SHPALLJEN E KOMPLEKSIT LIGATINOR TË BUTRINTIT “PARK KOMBËTAR”

(Ndryshuar me VKM nr.134, datë 20.2.2013)

(i përditësuar)

Në mbështetje të nenit 100 të Kushtetutës, të neneve 4 pika 1 shkronja “b”, 6 e 13 pika 1 të ligjit nr.8906, datë 6.6.2002 “Për zonat e mbrojtura”, me propozimin e Ministrit të Mjedisit, Pyjeve dhe Administrimit të Ujërave, Këshilli i Ministrave

VENDOSI:

1. Shpalljen “Park Kombëtar” të territorit natyror të kompleksit ligatinor të Butrintit, sipas hartës që i bashkëlidhet këtij vendimi.

2. *Kufijtë e Parkut Kombëtar të Butrintit janë:*

Në Veri:

Pika 1, kuota 4.2 m, me koordinata 4415346.78L/4409374.88V, ngjitet kurrizit, ndërpret rrugën në pikën 2, me koordinata 4415518.83L/4409172.67V, vijon përgjatë krabut të djathtë të saj në drejtim të Kanalit të Çukës deri te pika 3, kuota 6.2 m, me koordinata 4416456.89L/4411471.68V, më pas ndjek kanalin kullues në drejtim të Lindjes, kuotat 1.6 m e 2.3 m, pika 4, me koordinata 4418974.30L/4409740.09V, vijon në krabun e djathtë të kanalit kullues në drejtim të liqenit, ndjek kanalin në drejtim të fshatit Blerimas, pika 5, me koordinata 4419378.64L/ 4409122.06V, pika 6, me koordinata 4419652.14L/ 4408842.93V, pika 7, me koordinata 4419658.03L/ 4408669.42V, pika 8, me koordinata 4420396.35L/4408329.83V, kalon pranë fshatit Blerimas, pika 9, me koordinata 4420764.45L/ 4407893.39V, deri te kuota 48.0 m, pika 10, me koordinata 4421843.13L/ 4406745.96V.

Në Lindje:

Kuota 48.0 m, pika 10, me koordinata 4421843.13L/4406745.96V, ndjek kuotat 71.0 m, 78.0 m, 90.2 m, kalon nëpër kurrizin e malit të Miles, kuotat 685.0 m, 824.4 m (m.Miletit), 695.0 m (m.Miles), pika 11, me koordinata 4421790.24L/4400314.54V, zëbret kurrizin në drejtim të fshatit Xarë, kalon në pjesën veriore të fshatit Xarë, pika 12, me koordinata 4419164.19L/4400788.23V, pika 13, me koordinata 4418638.49L/4400039.03V, vijon përgjatë kanalit kullues në drejtim të fshatit Shëndëlli, kalon në anën veriore të fshatit Shëndëlli, pika 14, me koordinata 4417119.14L/ 4401297.94V, kalon në anën veriore të fshatit Vrinë, pika 15, me koordinata 4416457.02L/4400343.50V, pika 16, me koordinata 4415893.11L/4400417.82V, pika 17, me koordinata 4416393.70L/ 4399772.23V, ndjek krabun e majtë të kanalit kullues në drejtim të lumit Pavlo, deri te pika 18, me koordinata 4415937.82L/4399772.92V, ndjek argjinaturën e lumit në drejtim të Lindjes, pika 19, me koordinata 4416969.89L/4398226.28V, ndërpret lumin Pavlo, ngjitet kurrizit, kuotat 240.8 m e 213.1 m, deri te pika 20, me koordinata 4415940.90L/4396459.64V, në kufirin shtetëror tokësor me Greqinë.

Në Jug:

Pika 20, me koordinata 4415940.90L/4396459.64V, në kufirin shtetëror tokësor me Greqinë, vijon përgjatë kufirit shtetëror, kuota 28.7 m, më pas ndjek vijën detare në një largësi prej 300 m nga vija bregdetare shkëmbore deri te pika 21 (përballë Kepit të Stillos), me koordinata 4413113.37L/4395207.46V.

Në Perëndim:

Pika 21 (përballë Kepit të Stillos), me koordinata 4413113.37L/ 4395207.46V, ndjek vijën detare në një largësi prej 300 m nga vija bregdetare shkëmbore, ndërsa përballë grykëderdhjes së lumit Pavlo dhe kanalit të Vëvarit në një largësi afro 1500 m, përfshin ishujt e Ksamilit, deri te pika 1, kuota 4.2 m, me koordinata 4415346.78L/ 4409374.88V.

3 . *Parku Kombëtar i Butrintit përfshin një sipërfaqe prej 9 424.4 (nëntmijë e katërqind e njëzet e katër pikë katër) ha, ku ndodhen:*

Nr.	Përdorimi i territorit	Sipërfaqja në ha
1	<i>Sipërfaqe pyjore (makie, pishë), tokë me bimësi pyjore</i>	4,311.0
2	<i>Sipërfaqe bujqësore (pemëtoje, agrume, ullinj, vreshta)</i>	292.0
3	<i>Sipërfaqe ujore, lagunë, ligatina të përkohshme, lumenj dhe përrenj (nga e cila sip. detare 833.2 ha)</i>	3,342.2
4	<i>Sipërfaqe joproduktuese, shkëmbinj, e zhveshur, ishujt</i>	214.2
5	<i>Sipërfaqe e banuar dhe e përzier me tokë bujqësore</i>	1 355.0
	GJITHSEJ	9 424.4

4. Parku Kombëtar i Butrintit ndahet në nënzona administrimi, si më poshtë vijon:

a) Nënzona qendrore, shënuar në hartë me shkronjën “A” (A_1, A_2, A_3), me sipërfaqe 3838.75 ha, që përcaktohen si nënzona me vlera të mëdha për natyrën dhe biodiversitetin dhe siguron një territor natyror të pashqetësuar, në të cilin përfshihen habitatet natyrore dhe zonat fito-klimatike, pyjet e vjetra dhe ato natyrore mesdhetare. Në këtë nënzonë zbatohet shkalla e parë e mbrojtjes. Veprimtaritë ekonomike e sociale kryhen në përputhje me objektivat, sipas përcaktimeve të bëra në planin e menaxhimit të Parkut Kombëtar të Butrintit dhe dispozitave ligjore në fuqi.

b) Nënzona rikrijimi, shënuar në hartë me shkronjën “B”, me sipërfaqe 844.36 ha, që përcaktohen si nënzona, të cilat mund të ofrojnë një edukim në shkallë të gjerë, mundësi argëtimi në natyrë (tokë dhe det) dhe lehtësi të tjera në përputhje me funksionet e parkut, vlerat e tij ekologjike dhe ato të peizazhit natyror e kulturor. Mjedisitë detare që përfshihen në sipërfaqen e Parkut Kombëtar përdoret edhe për veprimtari shkencore, shoqërore, sportive, turistike, zhytje dhe krijimin e muzeumeve nënujore, në mbështetje të dispozitave të ligjit nr. 8905, datë 6.6.2002 “Për mbrojtjen e mjedisit detar nga ndotja dhe dëmtimi”. Në këtë nënzonë zbatohet shkalla e dytë e mbrojtjes. Veprimtaritë ekonomike e sociale kryhen në përputhje me objektivat dhe sipas përcaktimeve të bëra në planin e menaxhimit të Parkut Kombëtar të Butrintit dhe dispozitave ligjore në fuqi.

c) Nënzona e përdorimit tradicional, shënuar në hartë me shkronjën “C” (C_1, C_2), me sipërfaqe 3958.29 ha, të cilat përcaktohen si nënzona me burime natyrore, ku kryhen veprimtari tradicionale, ekonomike dhe të menaxhimit të qëndrueshëm të burimeve natyrore. Në këtë nënzonë u mundësohet njerëzve, që jetojnë brenda Parkut Kombëtar të Butrintit, në mënyrë të përhershme apo sezonale, të vazhdojnë të ruajnë mënyrën e tyre të jetesës me mjete tradicionale. Gjithashtu, në këtë nënzonë u lejohet subjekteve publike të respektojnë kushtet tokësorë rezidencialë dhe veprimtaritë e tyre ekonomike. Vizitorët mund të shijojnë të njëjtat aktivitete dhe vlera si në nënzonën e rikrijimit “B”, por, gjithashtu, të mësojnë edhe rreth bujqësisë tradicionale, kullotjes, metodave tradicionale të peshkimit dhe mënyrave të jetesës, sipas përcaktimeve të bëra në planin e menaxhimit të Parkut Kombëtar dhe dispozitave ligjore në fuqi. Në këtë nënzonë zbatohet shkalla e tretë e mbrojtjes.

d) Nënzona e zhvillimit të qëndrueshëm, shënuar në hartë me shkronjën “D”, me sipërfaqe 782.99 ha, në të cilën mundësohen zhvillimi i veprimtarive ekzistuese ekonomike e sociale brenda parkut të pajisur me leje të aplikueshme, si dhe kryerja e veprimtarive të reja, duke siguruar se ato kanë natyrë të qëndrueshme. Kjo nënzonë ofron një funksion të brendshëm buferik, kur është pranë zonave urbane, dhe veprimtari ekonomike më intensive, sipas objektivave të planit të menaxhimit të Parkut Kombëtar dhe dispozitave ligjore në fuqi.

5. Ngarkohet Ministria e Mjedisit, Pyjeve dhe Administrimit të Ujërave që, në bashkëpunim me Ministrinë e Turizmit, Kulturës, Rinisë dhe Sporteve, me organet e pushtetit vendor, me organizatat jofitimprurëse dhe me përfaqësues të komunitetit, të zbatojë planin e menaxhimit të Parkut Kombëtar.

5.1 Ministria e Mjedisit, Pyjeve dhe Administrimit të Ujërave, Ministria e Turizmit, Kulturës, Rinisë dhe Sporteve, ministrinë e tjera të linjës dhe njësitë e qeverisjes vendore të rishikojnë lejet që kanë dhënë për veprimtari, ekonomike e shoqërore, brenda sipërfaqes së Parkut Kombëtar të Butrintit. Subjektet e pajisura me lejet përkatëse do të vazhdojnë të ushtrojnë këtë veprimtari nëse, nga pikepamja ligjore, përmbushin kriteret natyrore e kulturore të UNESCO-s dhe të zonave Ramsar, kur janë në përputhje me synimet dhe objektivat e menaxhimit të parkut, si dhe me dispozitat e ligjit nr. 8906, datë 6.6.2002 “Për zonat e mbrojtura”, të ndryshuar, ligjit nr. 9048, datë 7.4.2003 “Për trashëgiminë kulturore”, të ndryshuar dhe ligjit nr. 9806, datë 17.9.2007 “Për aderimin e

Republikës së Shqipërisë në konventën europiane “Për mbrojtjen e trashëgimisë arkeologjike.

6. Ngarkohen zyra e administrimit dhe koordinimit të Parkut Kombëtar të Butrintit, në varësi të Ministrisë së Turizmit, Kulturës, Rinisë dhe Sporteve, administrata e Parkut Kombëtar në varësi të Ministrisë së Mjedisit, Pyjeve dhe Administrimit të Ujërave dhe komiteti i menaxhimit të këtij parku, në bashkëpunim me institucionet e specializuara, të realizojnë menaxhimin e parkut dhe të kontrollojnë zbatimin e planit të menaxhimit të Parkut Kombëtar.

7. Ngarkohet Ministria e Mjedisit, Pyjeve dhe Administrimit të Ujërave dhe Ministria e Turizmit, Kulturës, Rinisë dhe Sporteve për zbatimin e këtij vendimi dhe të planit të menaxhimit të Parkut Kombëtar të Butrintit.

Ky vendim hyn në fuqi pas botimit në Fletoren Zyrtare.

KRYEMINISTRI
Sali Berisha